

BODO

(Compulsory)

Time Allowed : Three Hours

Maximum Marks : 300

INSTRUCTIONS

Candidates should attempt ALL questions.

The number of marks carried by each question is indicated at the end of the question.

Answers must be written in Bodo (Devanagari Script), unless otherwise directed.

Prescribed word limit must be followed for Question No. 3. The précis must be attempted *only* on the special précis sheets provided separately.

These précis sheets are to be securely attached to the answer-book.

Important Note

Whenever a question is being attempted, all its parts/sub-parts must be attempted contiguously. This means that before moving on to the next question to be attempted, candidates must finish attempting all parts/sub-parts of the previous question attempted.

This is to be strictly followed.

Pages left blank in the answer-book are to be clearly struck out in ink. Any answers that follow pages left blank may not be given credit.

1. गाहायाव होनायफोरनि जायखि-जाया मोनसेनि 300 सोदोबजों
रनसाय लिर : 100

- (क) भारत : फालांगियारि जौगाखांनायनि मोनसे बेरखांथिलि
- (ख) जॉनि नोगोरमाफोरा हिन्जावफोरनि थाखाय बेसे रैखाथि
गोनां?
- (ग) हाग्रामा-जिबिफोरनि संरैखाथि आरो सामलायनाय
- (घ) भारताव राहायारि (vocational) सोल्लोथाय
- (ङ) सिनेमानि गोजाम सलवारि (mythical) मुलुग

2. गाहायनि फराखोन्दोखौ फरायनानै गाहायाव सौनाय सौलुफोरनि
रोखा, गेबें आरो सुंदवै फिन हो : 10×6=60

फरायग्राफोरनि बांसिनानो दान्दिसे गोसो रंजाहोनो थाखाय एबा
गोसो सुगलायहोनो थाखायल फरायो, जाय बिजाबफोरखौ बिसोरनो
होनाय जायो। गुबुन रावै बिसोरो सम बारगहोनो थाखायल बिजाब
फरायो। सम, बेखौ जेब्लाबो जोबोर बेसेन गोनां बाखि होनना
गनायनाय जायो। बे जोबोर बेसेन गोनां बाखिखौ फरायग्राफोरा
एरैनो बारगहरो। फोथायथावि बादि नंब्लाबो समा फरायग्राफोरनि
सायाव जोबोर गोहोम खोलैयो। आरो उनाव हमदानो हायोदि
समनि उफेरा बजायनिफ्राय बारगनायनि गोनांथि दं आरो बेखौबो
बिजाबफोरानो लाबोना होफैनो हायो। बेयो रोखादि बिसोर गुबुन
गोनांथिनि थाखाय फरायनो हाया। जुदि बिसोर बिदि खालामोब्ला
बै फरायनायनिफ्राय गावनि थाखाय माबाफोर मोननो हायो, नाथाय
बिदि जेबो इसारा गैयादि फरायनायनि आरो माबाफोर गोनांथि दं।
फरायनायनिफ्राय बिसोरनि सायाव माबा गोहोम गोलैनो हागौ, जुदि
बिसोरनि सायाव गोहोम गोलैयो बिनि बागैबो बिसोर सांग्रां नडा।
आरो मिथिया जासैनो जॉनि सायाव गोहोम गोलैयोब्ला बे गोहोमा
मुलामफा गोनां एबा थिरांथायारि जायो होनना जों बुनो हाया। बेनि

फोरमाना बिनोदि फरायनायनि थाखाय बिसोर गावनिफ्राय जेबो मुवा लांफायादि उनाव बिसोरो गोवसोर फरायनायनि सोमोन्दै बुंनो हायो।

- (क) मानसिफोरा लेखा फरायनायनि जाहोननि बागै लिरगिरिया मा बुंदों, बांसिन मानसिया लेखाखौ मानो फरायो?
- (ख) लिरगिरिया मानो सानोदि फरायग्राफोरा समनि बेसेनखौ मिथिया?
- (ग) बे खारिथिनि फोरमायथिया मादि—फरायग्राफोरनि समा थियै बाहायजायाखै?
- (घ) फरायग्राफोरा फरायखानायनि उनाव लिरगिरिया बिसोरनिफ्राय मा मिर्जिथिदों?
- (ङ) गोसो होया जासे फरायग्राफोरनिफारसे लिरगिरिनि नोजोरा मानो गाञ्जि?
- (च) लिरगिरिया माबादि फरायग्रा लुबैयो?

3. गाहायाव होनाय फराखोन्दोनि मोनसे सान्दोब (Précis) थाम बाहागोनि से गोलावै लिर। थिखानाय गोलावै लिराब्ला नम्बर दाननाय जागोन। सान्दोबखौ होखानाय बिलायाव लिरनानै उनाव खाथाजों सुजाबना हो :

60

दैया बुहुमनि हा बाहागोनि 70% आव सरा सनस्रायै आरो गोबाडै मोननाय मुवा। गासै मोननाय दैया 1.386 बिलियन किउबिक किल'मिटारनि 97% फ्राम दैया संख्रै गोनां आरो मानसिया बाहायथावजायि। आद्रा थानाय 3% दैयालसो गोगो। नाथाय बेनिबो 68.5% बाहागोया बरफ, ग्लेसियार आरो बरफ अन्थाइनि महराव थायो जायनि थाखाय मानसिया बेफोरखौ बाहायनो मोना। 30% सो गोगो दै हा सिडाव दं, बेनिनो 0.9% बाहागो दै हा

सायाव दैमा, दैसा आरो बिलोनि महराव मोनो। जों सानफ्रोमबो 70 किउबिक किल'मिटार दैनि सायाव सोनारो जायफोरखौ दैमा, दैसा आरो बिलोफोरनिफ्राय मोनो आरो सानफ्रोमबो हा सिंनि दैया 70 किउबिक किल'मिटार बोहैबोगासिनो। बै बोहैनाया रोजा रोजा बोसोरनिफ्रायनो सोलिबोगासिनो दं। नाथाय थांनाय माखासे जिथाइनिफ्राय नखरारि बाहायथाय, आबाद आरो दारिमिनारि बाहायथायनि थाखाय दैनि गोनांथिया बारा जाबोदों। 1940 मायथायाव जेब्ला बुहुमनि सुबुं अनजिमाया 2 बिलियनमोन, अब्ला साफानि बोसोरारि दै बाहायनाया 1000 किउबिक मिटारनिबो खममोन। 2000 मायथाइसिमाव सुबुं अनजिमाया बांनानै 6 बिलियन जादों आरो साफानि बोसोरारि दैनि गोनांथियाबो बांनानै 6000 किउबिक मिटार जादों आरो गोगो दैनि फुंखायाव गोहोम गोग्लैयो, मुंथियै गोबां अनजिमा थांनाय ओनसोल आरो जायफोराव दैनि बिबाडा खम। आबादाव 70%, दारिमिनाव 22%, नखरारि बिथिडाव 8% दैनि गोनांथि जायो। मुलुगाव सुबुं अनजिमाया गोखै बांबोनाय आरो लॉनायनि गोगो दैनि गोनांथिया बांबोनायनि थाखाय गोगो दैनि गोनांथियाबो मुलुगाव बांबोगासिनो दं। बोसोरफ्रोमबो गासै मोननाय दैनि खावसे बाहागो बाहाय जाबोगासिनो दं। सुबुं अनजिमा बांनाय आरो गोनांथिया बांनायनि थाखाय बे बारायननै 2050 मायथायाव 74% जाहैगोन। गासैबो जायगानि मानसिफोरा आमेरिकानि मानसिफोरबादि दै बाहायोब्ला, जोबोर दै बाहायलाबायग्रा जायोब्ला बेनि गोनांथिया 90% बांलांनो हागौ।

गोख्रोडै गोसोयाव लाखिनो गोनां खोथाया जाबाय गोगो दै होनो हानाय फुंखाया बुहुमाव समानै गोसारननै गैया। गोबां दै गोनां हादोर आरो एसेल दै गोनां हादोर दं। बोसोरारि साफानि दैनि गोनांथिया ग्रिनलेन्द-आव 10767 मिलियन किउबिक मिटार आरो कुवैट-आव बेयो 10 किउबिक मिटारल। भारताव बोसोरारि

साफानि दैनि गोनांथिया 1951 मायथायाव 5177 किउबिक मिटारमोन। बेखौ 2001 मायथायाव खमायनानै 1820 किउबिक मिटार खालामो आरो भारता एसेल दै मोननाय हादोर जायो। 2025 मायथाइसिमहालागै बोसोरारि साफानि दैनि गोनांथिखौ खमायनानै 1340 किउबिक मिटार खालामनो थिरांथा लानाय जादों।

बुहुमनि गोबां गिदिर गिदिर दैमा आरो बेफोरनि दैसाफोरनि हेफाजाबाव गंसेनि बांसिन हादोरफोरा थांना थायो। बिदिन्थि महै गंगा आरो बेनि दैसाफोरा नेपाल, भारत, बांलादेशजों बोहैलाडो, सिन्धु दैमा आरो बेनि दैसाफोरा भारत आरो पाकिस्तानजों बोहैलाडो। देन्युब, जाय जार्मानिनिफ्राय ओंखारनानै अस्ट्रिया, स्ल'वाकिया, हांगेरी, क्र'वेसिया, सारबिया, र'मानिया, बुलगेरिया, मालदेविया आरो इउक्रेनजों बोहैलाडो। जाम्बेजि दैमाया जाम्बिया, एंगला, नामिबिया, बटसवाना, जिम्बाव'ये आरो म'जाम्बिकनि गेजेरजों बोहैलाडो। इजिप्तनि जिवनि बोहैथि नील दैमानि गुबैया दाइन हादोराव दं—सुदान, इथिअपिया, केनिया, रावान्दा, बुरुन्दि, उगान्दा, टानजानिया आरो जायरे। जेब्ला दैमाया गंसे हादोरनि बांसिन हादोरजों बोहैलाडो अब्ला दैनि राननायखौ लानानै हादोरफोरनि गेजेराव गोबां जेंना सिखारो। बिदि जेंना 3000 ख्रि: गिबियाव खोला आरो गेजेर एसिया, गेजेर इउर'प आरो गेजेर-सानजायाव जादोंमोन—आबादाव दै होनो, दारिमिन आरो नखराव बाहायनो थाखाय गोनां जानायलाय। बिदि जेंनाया गिख्रंथाव थासारिखौ लाबोयो आरो एखनबा एखनबा गाग्लोबनाय महर लायो।

गंसे हादोरनि गेजेरावनो बोहैलांनाय दैमानि दै राननायखौ लानानैबो जायगायारि आरो ओनसोलारि थाखोयाव जानाय जेंनाया गोसोयाव नांथाव। गौतम बुद्धवा (563-483 ख्रि: गिबि) मायथायाव शाक्यफोर आरो क'टियाफोरनि गेजेराव र'हिनी दैमानि दै राननायनि जेंनायाव आखाइ होनांदोंमोन।

4. गाहायनि बाभ्राखोन्दोखौ बर'वाव राव सोलाय : 20

I remember my father starting his day at 4 a.m. by reading the namaz before dawn. After the namaz, he used to walk down to a small coconut grove we owned, about 4 miles from our home. He would return, with about a dozen coconuts tied together thrown over his shoulder, and only then would he have his breakfast. This remained his routine even when he was in his late sixties.

I have throughout my life tried to emulate my father in my own world of science and technology. I have endeavoured to understand the fundamental truths revealed to me by my father, and feel convinced that there exists a divine power that can lift one up from confusion, misery, melancholy and failure, and guide one to one's true place. And once an individual severs his emotional and physical bondage, he is on the road to freedom, happiness and peace of mind.

5. गाहायनि बाभ्राखोन्दोखौ इंराजीयाव राव सोलाय : 20

हस्पिटाल गायसननाया बेसेबा गोजाम आरो बेसेबा सिगां गिबि ख्रिस्टान मुगायाव जाजेनो, बे बिथिडाव जागायजेननाया जायो ग्रिस, इजिप्त आरो भारताव। बुहुमनि गोबां हादोरावनो आथिखालाव गोबां गिदिर सरासनसा (general) हस्पिटाल दंसै, जायफोराव गासैबो रोखोमनि बेमार नायनायनि खाबु दं, ट्रेइनि आरो बिजिरसंनायनि बाय-बांला खाबुफोर दं आरो गोबां फिसा फिसा फसंथानफोर दं, बेफोरनि बांसिनानो जरखा बेमार फाहामनायाव

नांथाबनानै दं एबा खायासेया गावसोरखौनो हिन्जावफोर आरो गथफोरनि थाखायल नांथाबनानै दं। इउनाइटेद किंदम आरो जुथुम हादोराव (इउनाइटेद स्टेट्स) हस्पिटालफोरनि मोजानि थाखाय राडारि हेफाजाब होयो आरो हादोरसा नडाबा मिउनिसिपालिटिफोरजो खुंजायो। बे खान्थिया हाबानि हेंथाखौल जानगारहोया आरो राडारि आंखालखौबो खम खालामदो, नाथाय गासै सुबुं समाजनि नाडा-फाडा निदान सहायनांनयनिफ्राय बासायो आरो देहायारि मुलामफाबो मोनहोयो। नाथाय बे खान्थिनि दारै जिव गैयै, जुन्थियारि (mechanical), जिवमा गैयि रूटिन, रोंगथियारिनि हायग्लायनाय, गाव मोननो हानाय गोख्रों सावरायनाय गैयि आरो ओंथि गैयि खरसा खालामनायखौ गायसनो।

6. गाहायाव होनायफोरनि फिन हो :

(क) गाहायाव होनाय बाश्राफावखौ मा ओंथियाव बाहायो बेखेवना लिर : 10
सैमा सौनाया अरनो रोडा
अखा खोरोमनाया हानो रोडा।

(ख) गाहायाव होनाय जायखि-जाया मोनबाजो ओंथि होफानानै बाश्रा दां : 2×5=10
आखाइ-आसेरा ; खोमा-हो ; मेगन-बेस्रां ;
बिबु-गोलाव ; हाथारखि-थुख्लाइ ; खर-फुर ;
खुगा-मुथु।

(ग) गाहायाव होनाय बाश्राफोरखौ मोनसे सोदोबजो फोरमाय : 2×5=10
(i) मायरडाव थानाय माय —।
(ii) हाबायाव अमा खर बानानै मोसाग्रा मानसि —।

- (iii) फुंबिलियाव गिसिबग्रा दाव —।
(iv) मायरंखौ देनानै संनाय ओंखै —।
(v) खेरायाव मोसानानै मोदायनो बावग्रा हिन्जाव
—।

(घ) बर' रावनि सोदोब बेखेवफाफोरखौ लिर।

10

★ ★ ★